



Moasje frjemd oan de oarder fan 'e dei ex artikel 36 Reglemint fan Oarder foar de gearkomste fan de gemeenteried fan Heerenveen

Fan : A. Eijer, FNP

Foar : De foarsitter fan de ried

Agindapunt : **20. Moasje frjemd oan de oarder fan 'e dei**

Underwerp : **werferdieling gemeentefûns**

De ried yn gearkomste byelkoar : **22 juni 2020**

Konstatearret dat:

- it artikel 'Zo herverdelen maakt de problemen nog groter' publisearre is op de hiemside fan Binnenlands Bestuur;
- yn dit artikel skreaun wurdt dat it Ryk kundskip docht fan it foarnimmen om it gemeentefûns neffens nije ferdielkaaien op 'e nij te ferdielen;
- plattelânsgemeenten mei minder as 100.000 ynwenners dêrby gâns minder jild taskikt krije silje;
- Ellen van Selm, foarsitter fan it gearwurkingsferbân fan plattelânsgemeenten P10 en boargemaster fan de gemeente Opsterlân, har soargen útsprekt en it hat oer in 'dramatyske útgongsposysje' foar gemeenten mei minder as 100.000 ynwenners;

Is fan betinken dat:

- de provinsje Fryslân 18 gemeenten telt, wêrfan 17 gemeenten mei minder as 100.000 ynwenners;
- in soad fan dizze gemeenten troch de tanimmende soarchkosten benammen yn de Jeugdsoarch muoite hawwe in slutende begrutting op te stellen;
- dizze gemeenten ekstra hurd troffen wurde silje as it Ryk syn foarnimmen oer de werferdieling fan it gemeentefûns trochset;
- dit foarnimmen der foar soarget dat de finansjele kleau tusken stêd en plattelân, tusken Rânestêd en oare provinsjes noch grutter wurdt;
- dit de leefberens yn plattelânsgemeenten ûndersyk docht en dat foarsjenningen ferdwine silje as fuortbesunige wurde;

Ropt it kolleezje op:

1. alle prikken yn it wurk te stellen om de werferdieling fan it gemeentefûns net ta skea fan plattelânsgemeenten gean te litten;
 2. sa gau as mooglik útein te setten mei in lobby om de bydrage fan it Ryk foar plattelânsgemeenten te fergrutsjen, yn stee fan te ferminderjen, om de leefberens in ympuls te jaan;
 3. de gemeenteried periodyk, dochs op syn minst elts fearnsjier, te ynformearjen oer de resultaten fan de lobby en de stân fan saken oangeande (gefolgen fan) de werferdieling fan it gemeentefûns;
-

Yntsjinne troch: FNP, SP, HL

Dit amindement is: ☐ Oannommen ☐ Fersmiten ☐ Yntrokken

Stimferhalding: Fraksje(s) foar: _____ Fraksje(s) tsjin: _____

Hântekening griffier: